

REGIONAL NEWS BULLETIN

HEADLINES (EVENING)

- 1. Chief Minister Pu Lalduhoman kum upate chu an awmna hmun theuhah thangtharte zirtirtu an ni vek a ti.
- 2. Chief Minister Pu Lalduhoman vawiin khan Serchhip District Beautification project a taka kalpui tanna tur a hawng.
- 3. Prime Minister Narendra Modi chuan naktuk Pathianni chawhma dar 11 hian 'Mann Ki Baat' programme a hmang leh dawn.
- 4. Myanmar lirnghing avanga thi zat chu 1000 chuang an tling tawh.

<><><>

CM

Chief Minister Pu Lalduhoman kum upate chu an awmna hmun theuhah thangtharte zirtirtu an ni vek a, chhungkua leh khawtlang tan mi tangkai tak an ni vek a ti.

Vawiin khan Serchhip District Headquarters Mizoram Upa Pawl General Assembly vawi 14 na, Sub Headquarters YMA Conf. Hall ah neih a hmanpui a, Bialtu MLA, Pu Lalduhoma chuan Upa te thil neih hlu em em mai chu an tawnhriat a ni a ti a. Pi leh pute pawh khan kum upa zawkte tawnhriat hi an ngaihlu a, engkimah upa zawk te an ngaichang hmasa zel thin a. Chuvang chu a ni ang, Val Upa tih tawngkam te, Lal Upa tih tawngkam te hman a nih phah a ti.

An sawrkar ve leh Old Age pension an tihpun tur thu an puang a, state in a tum ve lam tisangin category tinah cheng 1000 theuh an pe ta a, central tanpuina nen chuan cheng 1200 vel an dawng ta a, chu chuan kum lama upa zawk te sawrkarin a ngaihthah lohzia a tichiang a ni a ti.

MUP Serchhip District Headquarters hnuaiah hian Branch 66 awmin Area 10 ah an inthendarh a, an vaiin member 6202 an ni a, an zinga 2842 hi mipa niin a dang 3360 hi hmeichhia an ni a, kum 80 chunglam hi 876 an awm.

<><><>

CM

Chief Minister Pu Lalduhoman vawiin khan Serchhip in District Beautification Competition-a lawmman pathumna an lak a taka kalpui tanna tur a hawng a,

Chief Minister chuan, Serchhip chu khawpui mawi takah a la chantir theih a, nasa takin a la siam theih a ti a. Nakina a than chhoh zelna tur mual te

a lang reng a, chung ram te chu mumal taka enkawl ni se, lane kawng kalna tur te pawh mumal taka lo duan a tha a ni a ti. Midang chenna tur khawpui din an ni lo va, mahni leh an tu leh fate la chen zelna tur khua din chhoh mek a ni zawk a ti a ni.

Chief Minister hian Serchhip khawpui cheimawina leh tihhmasawinna an thawh chhoh turah MLA fund atangin Public Water Drinking point siamna tur cheng nuai 5 a pe a, mipuite mamawhna a nasat tawh avangin a building thar tur la peih lo mah se Serchhip Hospital tan Dialysis khawl ngaihtuah a nih tur thu a sawi baw.

<><><>

AMC

Tun thla ni 17-a Aizawl Treasury Bazaar kan hnua bazara thute thutna hmun sawn chuan zawm a hlawh tha hle a,

Aizawl Municipal Corporation chuan thuchhuah siamin, helai hmuna eizawnga thu thinte thu tawh lo turin leh an thutna tura ruahman, Tuikual South –a AMC Multi-Complex Building-a insawn turin a ngen a ni.

Chawhmeh leh thildang zuara Treasury bazaar a thute zingah AMC thupek chu dodal a, an eizawinna in a tawrh theih thu sawi awm mahse, sorkar thu zawmin an thutna tur hmunah an thu vek tawh a, inrinni-a Tennis Court leh Zodin inkar kawngkama thu te zawng zawng pawh an insuanluh vek avangin kawngpui pawh a thawl a, traffic buai leh harsatna a thleng lo a ni.

Treasury bazaar kang vanga insawn tura tih te hi Mizoram Legislative Assembly, Dak inpui, FCS & CA Office, Agriculture office, Horticulture office leh Tennis Court chhehvel kawng kama eizawnga thil chi hrang hrang zuar te anni.

Kan correspondent report ilo ngaithla ang

<><><>

HNATLANGPUI

Central YMA, Aizawl Municipal Corporation leh UD&PA Department te thawhhona hnuaia karleh Thawhtanni khian Aizawl khawpui ‘Faina HNATLANGPUI’ koh a ni a. He mi ni hian veng hrang hrangah, Branch YMA leh Local Council te kaihhruainain mahni veng chhung theuh te tih fai hnatlang lo nei turin veng tin te beisei leh ngen an ni a. Heng bakah hian Aizawl khawpui chhunga hmun bawlhhlawh zual thlan bik te thian fai turin mi thahnemngai leh tlawmngai te an thawk chhuak baw ang.

He Faina HNATLANGPUI hawinna inkhawm hi Sikulpuikawnah zing dar 10-ah hman tur a ni a. Hetah hian UD&PA Minister leh department hotute, AMC Mayor leh official pawimawh te bakah CYMA hruaitute leh a bul hnai YMA branch aiawh te an tel ang.

CYMA, UD&PA leh AMC te tangkawp chuan kum 2025 – 26 chhung atan Aizawl khawpui faina kawnga chak zawka hmalak a nih theih nan thawhhona thuthlung an siam a. Chumi hnuaia hmachhawp hrang hrang te zingah Faina HNATLANGPUI hi a hmahruaina a ni a. Thawhdunna kal zelah YMA Branch Fai Inelna neih tur a ni baw a, HNATLANGPUI hawinna inkhawmah hian YMA Branch Fai Inelna 2025 chu khuhhawinna neih a ni dawn a ni.

<><><>

**AGNIVEER**

Assam Rifles te chuan Army Agniveer lak turah tualchhung thalai, sipai tangduh te tan pre recruitment training an buatsaih dawn a.

Lunglawn Assam Rifles camp ah online a dilna application an hawng mek a, Mipa nupui la nei lo, kum 17½ leh 21 inkar tan dil theih a ni a, April ni 10 ral hmain a dil theih a, Exam hi June thla vel a neih tur a ruahman a ni.

Hemi chungchangah hian Thalai a duh apiang te chu inbuatsaihna leh a dilna chungchang te buaipui an inhuam thu Assam Rifles te chuan an sawi a ni.



**MPSC**

Mizoram Public Service Commission (MPSC) chuan nimin khan Mizoram Civil Services (combined competitive) main examination result ati chhuak.

Mizoram Public Service Commission ina Combined competitive exam a buatsaih mek MCS ,MPS, MF&AS leh MIS post 34 lak tura exam chawng hnihna main result chu nimin khan a ti chhuak a, mi 68 in exam hi an paltlang.

Combined Competitive exam hi chhawng thuma neih thin a ni a, Preliminary examination hi nikum July ni 27 khan neih niin, mi 5854 an exam a, hna dilna thehlut tu zawng zawng ten Preliminary exam hi an hmachhawn thei a ni.

Prelims exam hi Aizawl khawpui chhung center hrang hrang bakah District headquarters tin ah buatsaih a ni a, mi 346 ten prelims exam hi paltlangin nikum October ni 22 atanga ni 25 inkar khan prelims exam-a tling tehian main exam hi MPSC examination hall ah leg Gove.Higher Secondary School,Lunglei ah an hmachhawn leh a heng zingah hian candidate 68, unreserved category 66 leh Pwd category mi 2 te chuan main exam hi paltlang leh in Personal Interview an hmachhawn leh dawn a ni.



**AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



**PM MANN KI BAAT**

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 120-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>

PRESIDENT

President Droupadi Murmu-i chuan environment humhalh turin mi zawng zawngin theihtawp an chhuah a ngai tih a sawi. Vawiina New Delhi-a Vigyan Bhawan-a National Conference on Environment-2025 a hmanpuinaah he thu hi sawiin nungcha leh thing leh mau humhalh chu a pawimawh hle tih sawiin inzirtirna uar chung a mitinin mawh an lak thiam a tul thu a sawi.

<><><>

EARTHQUAKE

Myanmar lirnghing avanga thi zat chu 1000 chuang an tling tawh. Myanmar sipai hotu General Min Aung Hlaing sawidanin mitthi hi 1002 hmuhchhuah tawh niin hliam tuar hi 2376 an awm tawh a. Mi 30 chin hriatlohin an la awm a. Mitthi leh hliam tuar zat hi an la pun a rinawm tih a sawi baw k a ni. Thailand-ah lirnghing avanga chhiatna thlengah mi 6 an thi a. mi 26 in hliam tuarin mi 46 chin hriatlohin an la awm baw k a ni. Puan tawh angin nimin chawhnu khan Myanmar-ah na takin tum hnih lir a nghing a. Lirnghing hi a nat zawng tehna richter scale 7.7 leh 6.4 an ni a. Myanmar-a mandalay-a lei hmingthang Ava Bridge chu Irrawaddy luiah a chim a, in leh bungraw tam tak a chhe baw k nia thudawn a ni. Lirnghing intanna atanga km 900 vela hla Thailand khawpui Bangkok ah pawh hriat a ni. Hetihlai hian Thailand-a Indian Embassy chuan India mi harsatna taw k an awm chuan biak pawh theihna tur number a tichhuak a. Hei bakah hian Bangkok-a Indian embassy leh Consulate te chu an him tih a tarlang baw k a ni. Myanmar-ah chuan ram bial hmun rukah emergency puan niin heng zingah hian Naypyitaw leh Mandalay te pawh an tel a ni. Nizan khan IAF C 130 J thlawhna hmangin chhawmdawl na bungrua tonne 15- a rit chu AFS Hindon atangin Myanmar ah hian thaw nluh a nih thu Ministry of External Affairs chuan a sawi.

<><><>